

समा - 12:25 hrs.

<><><><><><>

VP- Election Update

उपराष्ट्रपति दे ओहदे लेई मतदान दा कम्म बरोबर जारी ऐ जेहड़ा संजा 5 बजे तोड़ी चलदा रौहगा। प्रधानमंत्री नरेन्द्र मोदी होर सब्भनें शा पैहले वोट पाने आहले सदस्ये च शामिल हे। उन्दे इलावा केन्द्री मंत्री राजनाथ सिंह, अश्विनी वैष्णव, डाक्टर जितेन्द्र सिंह, प्रहलाद जोशी, राज्यसभा दे उप-प्रधान हरिवंश, जनता दल सैक्यूलर दे सांसदे ते साबका प्रधानमंत्री एच.डी. देवगौड़ा, राज्य सभा च विपक्ष दे नेता ते कांग्रेस पार्टी दे अध्यक्ष मल्लिकार्जुन खडगे, कांग्रेस दियां सीनियर सांसद सोनिया गांधी, डी.एम.के. सांसद दयानिधि मारन, समाजवादी पार्टी दे रामगोपाल यादव, जनता दल युनाइटेड दे संजय झा हुंदे इलावा होरनें केइये सांसदे बी शुरु च गै मतदान कीता। इस चुनां च NDA दे मेदवार ते महाराष्ट्र दे गवर्नर सी.पी. राधाकृष्णन ते INDI ब्लाक दे मेदवार ते सुप्रीम कोर्ट दे साबका जज बी. सुदर्शन रेड्डी हुंदे बश्कार मकाबला ऐ। वोटें दी गिनतरी शामी 6 बजे शुरु होग।

<><><><><><>

CM Tributes

मुख्यमंत्री उमर अब्दुल्ला होरें कुलगाम जिले च आतंकवादिये कन्नै छिडे दे इक टाकरे च शहीद होए दे दंड बहादुर सैनिके गी अज्ज श्रद्धांजलि भेंट कीती। इस मौके उनें शहीदे दे उन्दे पार्थिव शवे पर फुल्ले दे चक्र चाढ़े ते आकखेया जे शहीदे दी दलेरी ते बलिदान गी सदा चेता रक्खेया जाग

<><><><><><>

Kulgam Encounter

जिया जे पैहले बी खबर दिती जाई चुकी दी ऐ कि दक्खनी कश्मीर दे कुलगाम जिले च जारी टाकारे च कल भारतीय फौज दे 2 जवान सूबेदार प्रभात गौर ते लांस नायक नरेन्द्र सिंधु शहीद होई गे हे। खीरी जानकारी थोने तगर सुरक्षाबले अजे तगर दंड बे-पंछानू आतंकवादिये गी मारी मकाया ऐ। चिनार कोर मुजब- खास खूफिया जानकारी हासल होने मगरा सेना- CRPF ते जम्मू-कश्मीर पुलिस आसेया जंदे रोज गुद्दार जांगली इलाके च इक सांझी कारवाई शुरु कीती गेई। तलाशी दौरान सुरक्षाबले संदिग्ध आतंकवादिये गी चुनौती

दिती पर आतंकियें गोलीबारी शुरू करी दिती जेहदे परैन्त जवाबी इस कारवाई च दंडु आतंकवादियें गी मारी दिता गया। एह अभियान अजें बी जारी ऐ।

<><><><><><>

IMCT Team

जम्मू-कश्मीर च हाल दियें बरखे ते हाड़े करी होए दे नुक्सान ते ताजा हालात दा जायजा लैने लेई केन्द्र आसेया भेजी गेदी अंतर मंत्रालयी टीम नै कल कुलगाम-अनंतनाग ते शोपिया जिलें दा दौरा लाया ते उत्थे जमीनी हालात ते स्थिति दी समीक्षा कीती। राष्ट्रीय आपदा प्रबंधन प्राधिकरण दे सलाहकार ते जायंट सैक्रेटरी कर्नल के.पी. सिंह हुंदी अगुआई आहली टीमै जिला प्रशासनें कन्नै जायजा बैठका लाने दे इलावा प्रभावत इलाकें दा दौरा करियै जमीनी हालात दा जायजा लैता। टीम गी सरबंधित अधिकारियें हाड़ें ते बरखें कारण होए दे नुक्सान बारे जानकारी दिंदे होई राहत ते बचाव कारवाइयें दे इलावा जारी बाआबादकारी दे कम्मै बारे बी दस्सेया-दसाया। टीम नै प्रभावत लोकें दे पुनर्वास लेई सरबंधित बक्ख-बक्ख मैहकमें बश्कार नेड़मा तालमेल बनाइयै कम्म करने पर जोर दिता।

<><><><><><>

HC Aid

जम्मू-कश्मीर ते लद्दाख दी हाई-कोर्ट नै हाड़े दी चपेट च आए दे परोआरें प्रति इक-जुटता दी भावना कन्नै महत्वपूर्ण सहायता उपलब्ध करोआई ऐ। हाई-कोर्ट दे रजिस्ट्रार जनरल होरें राहत कोष लेई 54 लक्ख 40 ज्हार रपे दा चैक मुखमंत्री उमर अब्दुल्ला होरें गी सौंपेया। एह योगदान हाई-कोर्ट दे मन्ने-परमन्ने दे जजें ते अमले आसेया दिता गया ऐ। मुखमंत्री होरें आभार प्रगट करदे होई आक्खेया जे इस उदारता कन्नै कीते गेदे इस कम्म कन्नै हाल च आए दे हाड़ें करी प्रभावित परोआरें गी राहत ते पुनर्वास उपलब्ध करोआने लेई सांझे जतनें च मता बाद्दा होगा।

<><><><><><>

Weather /Traffic

मौसम विभाग नै जम्मू-कश्मीर च औंदे किश दिनें दरान मती सारी थाहरें पर हौली बरखा बरने ते गासै च बदल घनोए दे रौहने दी पेशगोई कीती ऐ। मैहकमे दा आक्खना ऐ जे जम्मू संभाग दे किश जिलें च हौली थमां दरम्याने दर्जे दी बरखा बरी सकदी ऐ। उआं 12 सितंबर तोड़ी प्रदेश च आमतौरा पर मौसम खुश्क रौहग पर किश थाहरें पर हौली बरखा बरी सकदी ऐं 13 सितंबर गी जम्मू-कश्मीर दे मते सारे हिस्सें च

बडुलै सवैलै गरज-चमक कन्नै हौली थमां दरम्याने दर्जे दी बरखा बरने दी संभावना दस्सी गई ऐ।

तोंआई जम्मू-श्रीनगर राष्ट्री जरनैली सिङ्क अज्ज उप्परोतली 8में ध्याडे बी गड्डियें दी आओ-जाई लेई बंद ऐ।

<><><><><><>

Pro. Announcement

सेवा सप्ताह 2025 दे तैहत आयोजित बक्ख-बक्ख कार्यक्रमें ते गतिविधियें दे इक हिस्से दे तौरा पर आकाशवाणी दा क्षेत्रीय समाचार एकांश जम्मू, औंदी 10 सितम्बर गी इक वशेष परिचर्चा प्रसारत करने जा रदा ऐ-जेहदा विषय सार ऐ- “निगगर आर्थिक सुधारें राएं विकास गी बढावा।” इस कार्जक्रम च स्थाडे महमान होगंन- मन्ने-परमन्ने दे अर्थशास्त्री ते जम्मू युनिवर्सिटी च इकोनॉमिक्स दे प्रोफैसर दिपांकर सेनगुप्त- जेहडे इस विषय दे बक्ख-बक्ख पैहलुएं पर लौ पांगन। उन्दे कन्नै गल्लबात करगंन-साढे एंकर जगमोहन शर्मा ते कुणाल श्रीवत्स। 30एं मिन्टे दा एह कार्यक्रम कल बुधवारे दिने साढे 12 बजे प्रसारत कीता जाहगा। जिसी तुस स्थाडी FM फ्रिक्वेंसी 100 इशारिया 3 मैगाहर्ट्स ते कन्नै मीडियम वेव 303 मीटर यानि 990 Khz पर बी सुनी सकदे ओ।

<><><><><><>